

ერთი მხრივ, ა(ა)იპ „ქალაქ თბილისის მუნიციპალიტეტის მულტიფუნქციური ბიბლიოთეკების გაერთიანება“ (შემდგომში „შემსყიდველი“) წარმოდგენილი მისი დირექტორის მოვალეობის შემსრულებლის ზურაბ წერეთელის სახით სახით (2022 წლის 13 სექტემბრის ბრძანება №78.01222561) და მეორე მხრივ, სს „სოლვერი“ (შემდგომში „მიმწოდებელი“) წარმოდგენილი მისი დირექტორის ნოდარ გიორგობიანის სახით, „სახელმწიფო შესყიდვების შესახებ“ საქართველოს კანონისა და პრეტენდენტის სატენდერო წინადადების საფუძველზე, ელექტრონული ტენდერის (SPA220002055) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

„ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

„ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

„დღე“, „კვირა“, „თვე“ - კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული.

„შემსყიდველი“ - ორგანიზაცია, რომელიც ახორციელებს შესყიდვას.

„მიმწოდებელი“ - პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

2. ხელშეკრულების საგანი, მოქმედების ვადა

2.1 ა(ა)იპ „ქალაქ თბილისის მუნიციპალიტეტის მულტიფუნქციური ბიბლიოთეკების გაერთიანების“ სტრუქტურული ერთეულისთვის - ვაკის მედიათეკისათვის (მის.: ქ. თბილისი, ჭავჭავაძის გამზ. №76) სხვადასხვა სახის 12 ცალი სპლიტ კონდიციონერის შესყიდვა თანმდევი მონტაჟის მომსახურებით.

2.2 შესყიდვის ობიექტის დასახელება, რაოდენობა, ფასები და სხვა დეტალური აღწერა განისაზღვრება ხელშეკრულების დანართი N1-ის (ტექნიკური დავალება) და დანართი N2-ის (ფასების ცხრილი) შესაბამისად, რომლებიც თან ერთვის წინამდებარე ხელშეკრულებას და წარმოადგენენ მის განუყოფელ ნაწილს;

2.3 წინამდებარე ხელშეკრულება ძალაშია და მოქმედებს ხელშეკრულების გაფორმებიდან 2022 წლის 19 დეკემბრის ჩათვლით.

3. ხელშეკრულების ღირებულება

3.1 ხელშეკრულების საერთო ღირებულება შეადგენს **80 850.00 (ოთხმოცი ათას რვაას ორმოცდაათი)** ლარს;

3.2 ხელშეკრულების ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ ყველა ხარჯს, მათ შორის, საქართველოს კანონმდებლობით გათვალისწინებულ გადასახადებს;

3.3. მოსაწოდებელი საქონლისა და შესასრულებელი სამუშაოების საერთო ფასი მოცემულია დანართი №2-ში (ფასების ცხრილი), რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

4. შესყიდვის ობიექტის მიწოდების ვადა და ადგილი

4.1 ვაკის მედიათეკისათვის (მის.: ქ.თბილისი, ჭავჭავაძის გამზ. №76) სხვადასხვა სახის 12 ცალი სპლიტ კონდიციონერის (თანმდევი მონტაჟის მომსახურებით) მიწოდების ვადა შეადგენს ხელშეკრულების გაფორმებიდან 30 (ოცდაათი) კალენდარულ დღეს.

5. გარანტიის პირობები

5.1. შემოთავაზებულ პროდუქციაზე უნდა ვრცელდებოდეს მინიმუმ 2 (ორი) წლიანი საგარანტიო ვადა, რომელიც აითვლება მხარეთა შორის მიღება-ჩაბარების აქტის გაფორმებიდან.

5.2. მიმწოდებელმა, საგარანტიო ვადის პერიოდში უნდა უზრუნველყოს გამოვლენილი წუნის/ნაკლის აღმოფხვრა საკუთარი ხარჯით (ტრანსპორტირების ჩათვლით, ასეთის საჭიროების შემთხვევაში). წუნდებული/ნაკლიანი საქონლის გამოვლენის შემთხვევაში, მიმწოდებელმა უნდა განახორციელოს მისი შეკეთება. იმ შემთხვევაში, თუ წუნდებული/ნაკლიანი საქონელი არ ექვემდებარება შეკეთებას, მიმწოდებელი ვალდებულია განახორციელოს წუნდებული/ნაკლიანი საქონლის ჩანაცვლება ახალი საქონლით (თანმდევი მომსახურებით);

5.3 მიმწოდებელმა, საგარანტიო ვადის პერიოდში გამოვლენილი წუნის/ნაკლის აღმოფხვრა უნდა უზრუნველყოს შემსყიდველის მიერ ნაკლის გამოვლენის თაობაზე მისთვის (მიმწოდებლისათვის) გაგზავნილი შეტყობინების მიღებიდან არაუგვიანეს: მცირედი დაზიანების შემთხვევაში - 5 კალენდარული დღის, ხოლო ძირითადი აგრეგატების დაზიანების შემთხვევაში - 15 კალენდარული დღის ვადაში.

6. ანგარიშსწორების ფორმა, ვადები და პირობები

6.1 ანგარიშსწორება განხორციელდება უნაღდო ანგარიშსწორებით, ეროვნულ ვალუტაში – ლარში.

6.2 ანგარიშსწორება განხორციელდება მიმწოდებლის მიერ ფაქტობრივად მოწოდებული პროდუქციისა და გაწეული მომსახურების საფუძველზე გაფორმებული მიღება-ჩაბარების აქტის ხელმოწერიდან 10 (ათი) სამუშაო დღის ვადაში.

6.3 ანგარიშსწორება განხორციელდება 2022 წლის ადგილობრივი თვითმმართველი ერთეულის ბიუჯეტის სახსრებით;

6.4 ანგარიშსწორება განხორციელდება ფაქტობრივად მოწოდებული პროდუქციისა და გაწეული მომსახურების შესაბამისად გაფორმებული მიღება-ჩაბარების აქტისა და საქართველოს კანონმდებლობით დადგენილი შესაბამისი დოკუმენტაციის წარმოდგენის საფუძველზე.

6.5 მოთხოვნის შემთხვევაში შესაძლებელია განხორციელდეს წინასწარი (საავანსო) ანგარიშსწორება, ხელშეკრულების ღირებულების 50%-ის ოდენობით, რაზეც წარმოდგენილი უნდა იქნეს სსიპ საქართველოს ეროვნული ბანკის ან სსიპ საქართველოს დაზღვევის სახელმწიფო ზედამხედველობის სამსახურის მიერ ლიცენზირებული საბანკო დაწესებულებისან სადაზღვევო ორგანიზაციის მიერ გაცემული წინასწარ გადასახდელი თანხის იდენტური ოდენობის გარანტია; წარმოდგენილი გარანტიის მოქმედების ვადა არანაკლებ 30 (ოცდაათი) კალენდარული დღით უნდა აღემატებოდეს სამუშაოების დასრულების ვადას. გარანტია უნდა იყოს უპირობო, გამოუხმობადი და შემსყიდველ ორგანიზაციას უნდა აძლევდეს უფლებას გარანტიის გამცემისგან, პირველივე მოთხოვნისთანავე, მიიღოს შესაბამისი თანხა. შემსყიდველს აქვს უფლება არ მიიღოს წინასწარ გადასახდელი თანხის გარანტია, ორგანიზაციიდან რომელთანაც მიმდინარეობს სასამართლო დავა ან რომელზეც არის ზემდგომი ორგანოს შესაბამისი მითითება. წინასწარ მიღებული თანხა გამოყენებულ უნდა იქნას ხელშეკრულებასთან დაკავშირებული ვალდებულებების შესასრულებლად;

7. პროდუქციისა და მომსახურების შესაბამისობა

7.1. წინამდებარე ხელშეკრულების მე-2 მუხლით გათვალისწინებული პროდუქციის მიწოდება და მომსახურება მიმწოდებლის მიერ უნდა შესრულდეს საქართველოს კანონმდებლობის შესაბამისად, ჯეროვნად, მსგავსი მომსახურებისათვის უკვე დადგენილი სტანდარტების, ხელშეკრულებითა და მასზე თანდართული ტექნიკური დავალებით გათვალისწინებული პირობების შესაბამისად;

7.2. ამ მუხლში განსაზღვრული წესებიდან და ნორმებიდან მიმწოდებლის მხრიდან ნებისმიერი გადახვევის შემთხვევაში, შემსყიდველი უფლებამოსილია, არ მიიღოს მომსახურება ან/და მიმწოდებლის მიმართ გამოიყენოს ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

8. შესყიდვის ობიექტის მიღება-ჩაბარების წესი

8.1 ანგარიშსწორება განხორციელდება, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით;

8.2 შემსყიდველის მხრიდან მიღება-ჩაბარების აქტის გაფორმებაზე პასუხისმგებელ პირს წარმოადგენს ა(ა)იპ „ქალაქ თბილისის მუნიციპალიტეტის მულტიფუნქციური ბიბლიოთეკების გაერთიანების“ სამეურნეო სამსახურის უფროსი - ზურაბ მარგიშვილი.

8.3 კანონმდებლობით გათვალისწინებულ შემთხვევაში, მიღება-ჩაბარების აქტის გაფორმების პარალელურად, მიმწოდებელმა უნდა წარმოუდგინოს შემსყიდველს შესაბამისი საგადასახადო დოკუმენტაცია.

9. მხარეთა უფლება-მოვალეობანი

9.1. მიმწოდებელი ვალდებულია:

ა) პროდუქციის მოწოდებისას და სამუშაოს შესრულების პროცესში იხელმძღვანელოს ხელშეკრულების მე-7 მუხლის პირველ პუნქტში გათვალისწინებული მოთხოვნების შესაბამისად;

ბ) პროდუქციისა მოწოდება და სამუშაო განახორციელოს ხელშეკრულების მე-4 მუხლში განსაზღვრულ ვადაში და პირობებით;

გ) პროდუქციისა მოწოდება და სამუშაოები განახორციელოს დროულად და კეთილსინდისიერად.

დ) პროდუქციისა მოწოდებისა და სამუშაოს შესრულების პროცესში, მიმწოდებელმა უნდა უზრუნველყოს ხარისხისა და სამუშაოების მიმდინარეობის ზედამხედველობისა და კონტროლის განმახორციელებელ პირთა მიერ გაცემული, როგორც ზეპირი ასევე წერილობითი რეკომენდაციების და მითითებების შესრულება;

ვ) შემსყიდველს უმოკლეს ვადაში აცნობოს მისი მოსალოდნელი რეორგანიზაციის ან ლიკვიდაციის შესახებ;

9.2. შემსყიდველი ვალდებულია:

ა) შეუფერხებლად აუნაზღაუროს მიმწოდებელს გაწეული მომსახურების ღირებულება წინამდებარე ხელშეკრულებითა და დეტალური ტექნიკური დავალებით გათვალისწინებული პირობებისა და ვადების შესაბამისად.

9.3. შემსყიდველი უფლებამოსილია:

ა) მიმწოდებლისგან მოითხოვოს ხელშეკრულებით გათვალისწინებული ყველა პირობის დაცვა; ბ) ხელშეკრულების მოქმედების პერიოდში, ნებისმიერ დროს, შემსყიდველი უფლებამოსილია, განახორციელოს ხელშეკრულებით გათვალისწინებული ვალდებულებების შესრულების კონტროლი (ინსპექტირება);

გ) არ ჩაიბაროს რაოდენობრივად, ხარისხობრივად ან უფლებრივად ნაკლიანი გაწეული მომსახურება;

10. ხელშეკრულების შესრულების კონტროლი (ინსპექტირება)

10.1 ხელშეკრულებით გათვალისწინებული ვალდებულებების შესრულების, გაწეული მომსახურების მოცულობის, ხარისხისა და შესრულების ვადების დაცვის კონტროლს (ინსპექტირება) ახორციელებს შემსყიდველი, ხელშეკრულების მოქმედების ნებისმიერ ეტაპზე;

10.2 პროდუქციის მოწოდებასა და სამუშაოების მიმდინარეობაზე შემსყიდველი კონტროლს (ინსპექტირებას) აწარმოებს საქართველოს კანონმდებლობის, ტექნიკური დავალებისა და ხელშეკრულების პირობების შესაბამისად, რომელთა დარღვევის შემთხვევაში, შემსყიდველი უფლებამოსილია, მიიღოს ხელშეკრულებითა და საქართველოს კანონმდებლობით გათვალისწინებული ზომები.

10.3 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს ა(ა)იპ „ქალაქ თბილისის მუნიციპალიტეტის მულტიფუნქციური ბიბლიოთეკების გაერთიანების“ სამეურნეო სამსახურის უფროსი - ზურაბ მარგიშვილი.

11. პირგასამტეხლო ხელშეკრულების პირობების შეუსრულებლობისათვის

11.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები;

11.2 ხელშეკრულებით ნაკისრი ვალდებულებების შეუსრულებლობის ან ვადის გადაცილების შემთხვევაში მხარეებს დაეკისრება პირგასამტეხლო შეუსრულებელი ვალდებულებების ღირებულების 0,02%-ის ოდენობით ყოველ ვადაგადაცილებულ დღეზე;

11.3 საჯარიმო სანქციით დაკისრებული თანხა გადახდით უნდა იქნას მხარისთვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან არაუგვიანეს 1 (ერთი) თვის ვადაში;

11.4 წინამდებარე ხელშეკრულების 11.3. პუნქტით გათვალისწინებული პირობის დადგომის შემთხვევაში, ანგარიშსწორება განხორციელდება მხოლოდ საჯარიმო სანქციით დაკისრებული თანხის გადახდის დამადასტურებელი ქვითრის წარდგენის შემდეგ 10 (ათი) სამუშაო დღის ვადაში;

11.5 საჯარიმო სანქციების გადახდა არ ათავისუფლებს ხელშეკრულების მხარეს ძირითადი ვალდებულებების შესრულებისაგან.

12. ხელშეკრულებაში ცვლილების შეტანა და ხელშეკრულების შეწყვეტა

12.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა ორმხრივი შეთანხმების საფუძველზე, რომელიც დაერთდება წინამდებარე ხელშეკრულებას და განიხილება როგორც მისი განუყოფელი ნაწილი;

12.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;

12.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების თავდაპირველი ჯამური ღირებულების გაზრდა დაუშვებელია 10%-ზე მეტი ოდენობით;

12.4 თუ მხარე ჯეროვნად ვერ ასრულებს მასზე დაკისრებულ მოვალეობებს, მეორე მხარე უფლებამოსილია გავიდეს ხელშეკრულებიდან მის მიერ განსაზღვრული გონივრული დამატებითი ვადის უშედეგოდ გასვლის შემდეგ, ხელშეკრულების პირობების დამრღვევი მხარისთვის წერილობითი შეტყობინებით;

12.5 ხელშეკრულება შეიძლება შეწყდეს მხარეთა წერილობითი ურთიერთშეთანხმებით, ასევე

წინამდებარე ხელშეკრულებით ან/და საქართველოს კანონმდებლობით დადგენილ სხვა შემთხვევებში.

13. ფორს-მაჟორი

13.1 ხელშეკრულების დამდები მხარის მიერ ხელშეკრულების პირობების შეუსრულებლობა არ გამოიწვევს მხარის პასუხისმგებლობას თუ ხელშეკრულების შეუსრულებლობა ან არაჯეროვანი შესრულება გამოწვეულია შესრულების შეუძლებლობით (ფორს-მაჟორი);

13.2 ამ ხელშეკრულების მიზნებისათვის შესრულების შეუძლებლობად (ფორს-მაჟორი) მიიჩნევა მხარეებისათვის წინასწარ უცნობი, გადაულახავი და მათი კონტროლისაგან დამოუკიდებელი გარემოებები. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა;

13.3 ფორს-მაჟორული გარემოებების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე მეორე მხარისაგან გონივრულ ვადაში არ მიიღებს წერილობით პასუხს, იგი ვალდებულია გააგრძელოს ხელშეკრულებით ნაკისრი ვალდებულებების შესრულება შესაძლებლობის ფარგლებში, შექმნილი გარემოებების გათვალისწინებით;

13.4 მხარეთა პასუხისმგებლობა და ვალდებულებები განახლდება ფორს-მაჟორული გარემოებების მოქმედების დასრულებისთანავე.

14. დავები და მათი გადაწყვეტის წესი

14.1 წინამდებარე ხელშეკრულება დადებულია და განიმარტება საქართველოს კანონმდებლობის შესაბამისად;

14.2 წინამდებარე ხელშეკრულების შესრულების პროცესში მხარეთა შორის წარმოშობილი დავა წყდება მორიგებით;

14.3 შეთანხმების მიუღწევლობის შემთხვევაში მხარეებს უფლება აქვთ მიმართონ სასამართლოს საქართველოს მოქმედი კანონმდებლობის შესაბამისად.

15. მხარეთა რეკვიზიტები

„შემსყიდველი“	„მიმწოდებელი“
ა(ა)იპ „ქალაქ თბილისის მუნიციპალიტეტის მულტიფუნქციური ბიბლიოთეკების გაერთიანება“	სს „სოლვერი“
ს/ნ: 405265680	ს/კ: 402195691
მის: ქ. თბილისი, ტოვსტონოგოვის ქ. N2	მის: ქ. თბილისი, აკაკი ბელიაშვილის ქუჩა, N 126
ელ. ფოსტა: unitedlibraries@gmail.com	ტელ.: 0322470247 ელ.ფოსტა welcome@solvery.ge
საბანკო რეკვიზიტები:	საბანკო რეკვიზიტები:
სახელმწიფო ხაზინა ბანკის კოდი: TRESGE22	სს „თიბისი ბანკი“ ბანკის კოდი: TBCBGE22
ა/ა GE24NB0330100200165022	ა/ა GE43TB7158836080100013
დირექტორის მოვალეობის შემსრულებელი: ზურაბ წერეთელი	დირექტორი ნოდარ გიორგობიანი

ტექნიკური დავალება

დანართი 1

#	შესყიდვის ობიექტის დასახელება	შესყიდვის ობიექტის ტექნიკური მახასიათებლები	რაოდენობა (ცალი)
1	სპლიტ კონდიციონერი კოლონური სპლიტ კონდიციონერი კოლონური Midea MFM-60ARN1-RB6W/Midea MOU- 60HN1-RB6W	-ტიპი: კოლონური -მართვა: დისტანციური მართვის პულტი დენის წყარო -ნომინალური გაგრილების შესაძლებლობა: 17,65 კვტ -ნომინალური გათბობის შესაძლებლობა: 18 კვტ -ტემპერატურული დიაპაზონი: -7/+43 -ტემპერატურის რეგულირება: +17/+30 -სიმძლავრე: მაქსიმალური 18000 ვტ, გაგრილებისას 17850 ვტ, გათბობისას 18000 ვტ -სხვა და სხვა სიმძლავრით ჰაერის დაბერვა (3 რეჟიმი+ავტომატური) -ტაიმერი, Auto-restart, ღამის რეჟიმი -ვერტიკალური ქალაუზების ხელით მართვა -ჰორიზონტალური ქალაუზების ავტომატური რეგულირება -ფაზა: 3 Ph, ძაბვა: 380-400 ვ, ფრეონის ტიპი: R 410 A	8
2	სპლიტ კონდიციონერი კოლონური Haier -14.1kw; +15.1kw (3 ფაზა) AP48KS1ERA(S)/1U48LS1EAB(S)	-ტიპი: კოლონური -მართვა: დისტანციური მართვის პულტი -ნომინალური გაგრილების შესაძლებლობა: 14.1 კვტ -ნომინალური გათბობის შესაძლებლობა: 15.1 კვტ -ტემპერატურული დიაპაზონი: -7/+43 -ტემპერატურის რეგულირება: +17/+30 -სიმძლავრე: მაქსიმალური 15100 ვტ, გაგრილებისას 14100 ვტ, გათბობისას 15100 ვტ -გაგრილება: გათბობა, ტნის ამოშრობა, ჰაერის ცირკულაცია -ავტომატური და ტურბო რეჟიმი, თვითდიაგნოსტიკა -სხვა და სხვა სიმძლავრით ჰაერის დაბერვა (3 რეჟიმი+ავტომატური) -ტაიმერი, Auto-restart, ღამის რეჟიმი -ვერტიკალური ქალაუზების ხელით მართვა -ჰორიზონტალური ქალაუზების ავტომატური რეგულირება -ფაზა: 3 Ph, ძაბვა: 380-400 ვ, ფრეონის ტიპი: R 410 A	2
3	სპლიტ კონდიციონერი კედლის (დანადგარი) BOSCH Climate 3000i (18 000 BTU inverter)	-ტიპი: კედლის სპლიტ -მართვა: დისტანციური მართვის პულტი -ნომინალური გაგრილების შესაძლებლობა: 4.2 კვტ -ნომინალური გათბობის შესაძლებლობა: 4.5 კვტ -ტემპერატურული დიაპაზონი: -15 ~ 50 -ტემპერატურის რეგულირება: 17 ~ 30 -სიმძლავრე: მაქსიმალური 4500 ვტ, გაგრილებისას 4200 ვტ, გათბობისას 4500 ვტ -გაგრილება: გათბობა, ტნის ამოშრობა, ჰაერის ცირკულაცია -ავტომატური და ტურბო რეჟიმი, თვითდიაგნოსტიკა -სხვა და სხვა სიმძლავრით ჰაერის დაბერვა (3 რეჟიმი+ავტომატური) -ტაიმერი, Auto-restart, ღამის რეჟიმი -ვერტიკალური ქალაუზების ხელით მართვა -ჰორიზონტალური ქალაუზების ავტომატური რეგულირება -ფაზა: 1 Ph, ძაბვა: 220-240 ვ, ფრეონის ტიპი: R 410 A	2

ფასების ცხრილი

ა(ა)იპ „ქალაქ თბილისის მუნიციპალიტეტის მულტიფუნქციური ბიბლიოთეკების გაერთიანების“
ვაკის მედიათეკისათვის (მის: ჭავჭავაძის გამზ. #76) სხვადასხვა სახის 12 ცალი სპლიტ კონდიციონერის შესყიდვა, თანმდევი მომსახურებით.

№	დასახელება	მწარმოებელი ქვეანა	მწარმოებელი	მოდელი	საგარანტიო ვადა	რაოდ. (ცალი)	ერთეულის ღირებულება (ლარი) დღგ-ს ჩათვლით	მთლიანი ღირებულება (ლარი) დღგ-ს ჩათვლით
1	სპლიტ კონდიციონერი კოლონური ტექნიკური დავალების 1 პოზიცია	ჩინეთი	Midea	MFM-60ARN1- I/MFM-60ARN1-O	2	8	7079	56632
2	სპლიტ კონდიციონერი კოლონური ტექნიკური დავალების 2 პოზიცია	ჩინეთი	Haier	AP48KS1ER A(S)/1U48LS 1EAB(S)	2	2	4500	9000
3	სპლიტ კონდიციონერი კედლის ტექნიკური დავალების 3 პოზიცია	ჩინეთი	Bosch	Climate 3000i (18 000 BTU (inverter)	2	2	2439	4878
4	მომსახურება (კოლონური კონდიციონერის მონტაჟი) ტექნიკური დავალების 1 პოზიცია	x	x	x	x	8	945	7560
5	მომსახურება (კოლონური კონდიციონერის მონტაჟი) ტექნიკური დავალების 2 პოზიცია	x	x	x	x	2	945	1890
6	მომსახურება (სპლიტ კონდიციონერის მონტაჟი) ტექნიკური დავალების 3 პოზიცია	x	x	x	x	2	445	890
ღირებულება დღგს-ჩათვლით								80850

შენიშვნა:

☐ სატენდერო წინადადების ფასში პრეტენდენტმა გასაწევ მომსახურებასთან ერთად უნდა გაითვალისწინოს შესყიდვის ობიექტის მიწოდებასთან დაკავშირებული ყველა ხარჯი და გადასახადი;

☐ ხარჯთაღრიცხვის წარმოდგენილობა ან იმ შემთხვევაში, თუ წარმოდგენილ ხარჯთაღრიცხვაში განუფასებელი პოზიციების რაოდენობა აღემატება განსაფასებელი პოზიციების 1%-ს, დოკუმენტი დაზუსტებას არ დაექვემდებარება და გამოიწვევს პრეტენდენტის დისკვალიფიკაციას.

* სატენდერო წინადადების ფასში პრეტენდენტმა გასაწევ მომსახურებასთან ერთად უნდა გაითვალისწინოს შესყიდვის ობიექტის მიწოდებასთან დაკავშირებული ყველა ხარჯი და გადასახადი;



ქალაქ თბილისის მუნიციპალიტეტის მერია
ა(ა)იპ „ქალაქ თბილისის მუნიციპალიტეტის
მულტიფუნქციური ბიბლიოთეკების გაერთიანება“



ბრძანება: ბ78.01222561

თარიღი: 13/09/2022

ნინო მაჭარაშვილის (პ/ნ: 38001039597) შვებულებაში გასვლის შესახებ

საქართველოს ორგანილი კანონის „საქართველოს შრომის კოდექსის“ 31 -ე მუხლის პირველი პუნქტის და 32-ე მუხლის პირველი და მესამე პუნქტის, ქალაქ თბილისის მუნიციპალიტეტის მთავრობის 2018 წლის 18 აპრილის N 18.234.437 განკარგულებით დამტკიცებული ა(ა)იპ „ქალაქ თბილისის მუნიციპალიტეტის მულტიფუნქციური ბიბლიოთეკების გაერთიანების“ წესდების მე-6 მუხლის „ზ“ პუნქტისა და ა(ა)იპ „ქალაქ თბილისის მუნიციპალიტეტის მულტიფუნქციური ბიბლიოთეკების გაერთიანების“ დირექტორის 2019 წლის 10 ივნისის ბრძანება #01/016-1 დამტკიცებული შინაგანაწესის 15 მუხლის საფუძველზე,

ვბრძანებ:

1. ა(ა)იპ „ქალაქ თბილისის მუნიციპალიტეტის მულტიფუნქციური ბიბლიოთეკების გაერთიანების“ დირექტორს ნინო მაჭარაშვილს მიეცეს კუთვნილი ანაზღაურებადი შვებულება 2022 წლის 19 სექტემბრიდან 2022 წლის 20 სექტემბრის ჩათვლით. 02 ს/დღე.
2. ნინო მაჭარაშვილის შვებულებაში ყოფნის დროს დირექტორის მოვალეობის შესრულება დაევალოს დირექტორის პირველ მოადგილეს ზურაბ წერეთელს.
3. ზურაბ წერეთელს მიეცეს უფლება ბიუჯეტის მართვის ხაზინის ელექტრონული მომსახურების სისტემაში “მულტიფუნქციური ბიბლიოთეკების გაერთიანების ხელშეწყობა” კოდი: 07.03.03 ქვეპროგრამის ასიგნებების ფარგლებში, განახორციელოს როგორც საბიუჯეტო, ასევე, საკუთარ სახსრებზე, ვალდებულებების, ხარჯებისა და შემოსავლების მართვა. ამასთანავე, დირექტორს - ნინო მაჭარაშვილს შეუნარჩუნდეს რეგისტრაცია ხაზინის ელექტრონულ სისტემაში.
4. დაევალოს ა(ა)იპ „ქალაქ თბილისის მუნიციპალიტეტის მულტიფუნქციური ბიბლიოთეკების გაერთიანების“ შესაბამის სამსახურებს განახორციელოს კანონმდებლობით დადგენილი ქმედებები.
5. წინამდებარე ბრძანება შეიძლება გასაჩივრდეს მისი ოფიციალური წესით გაცნობის დღიდან ერთი თვის ვადაში, თბილისის საქალაქო სასამართლოში. (დ.აღმაშენებლის ხეივანის მე-12 კმ №6).

საფუძველი: ნინო მაჭარაშვილის განცხადება (13.09.2022 წ) №:78-01222561198

ნინო მაჭარაშვილი

ქალაქ თბილისის მუნიციპალიტეტის მულტიფუნქციური
ბიბლიოთეკების გაერთიანება-გაერთიანების
დირექტორი

გამოყენებულია კვალიფიციური
ელექტრონული ხელმოწერა/
ელექტრონული შტამპი

